



Trine Dyblie
Lindåsvegen 1580
5956 HUNDVIN

Referansar:
Dykkar:
Vår: 15/1323 - 15/21504

Saksbehandlar:
Margit Rimeslatten
Margit.Rimeslatten@lindas.kommune.no

Dato:
09.06.2015

Førehandsvarsel om pålegg og ilegging av tvangsmulkt - gbnr 56/52

Saka gjeld

Det vert vist til kommunen sitt brev av 27.03.2015 med førespurnad om utgreiing om mogleg ulovleg tilhøve, samt dykkar tilsvart datert 18.05.2015.

Grunnjeving for varsling om pålegg om retting og tvangsmulkt

Kommunen var på synfaring på eigedommen 03.06.2015 der Margit Rimeslaatten og Benjamin Hiks deltok frå Lindås kommune, Nicolay Leganger og deg som eigar av gnr 56 bnr 52, samt nabo Sigrund Vatne.



Kommunen vurderer tiltaket som eit tilhøve i strid med plan- og bygningslova sidan oppføring av tilbygg er søknadspliktig, jf. plan- og bygningslova § 20-2, jf. byggesaksforskrifta (SAK10) § 3-1. Vi gjer i den samanheng merksam på at tiltaket ikkje kjem inn under tiltak som ikkje er søknadspliktige sidan tiltaket ikkje er i samsvar med plan.

Du er heimelshavar til eigedommen og er difor ansvarleg for å retta opp i det ulovlege tilhøvet.

Førehandsvarsle om pålegg om retting

I høve til forvaltningslova § 16 og plan- og bygningslova § 32-2 vert det med dette gitt førehandsvarsle om at bygningsmyndighetene med heimel i plan- og bygningslova § 32-3 vurderer å fatte vedtak om pålegg om retting, dersom ikkje forholdet er brakt i lovlig former ved å tilbakeføre tiltaket innan 15.07.2015. Bygningsmyndighetene må underrettast skriftleg dersom arbeidet vert tilbakeført.

Som opplyst under synfaringa er det også høve til å søkje om tiltaket. Det må i så fall sendast komplett søknad om løyve til tiltaket innan same frist. Du kan eventuelt ta kontakt med byggjesaksvakta hjå Lindås kommune for vidare rettleiing dersom du ønskjer å søkje om tiltaket. Vi oppmodar også om at dersom det er utført andre tiltak på eigedommen som er søknadspliktig og ikkje er søkt om, så vert dette gjort samtidig.

Førehandsvarsle om tvangsmulkt

I høve til forvaltningslova § 16 og plan- og bygningslova § 32-2 vert det med dette gitt førehandsvarsle om at bygningsmyndighetene med heimel i plan- og bygningslova § 32-5, vurderer å fatte vedtak om ilegging av tvangsmulkt dersom komplett søknad om løyve ikkje er innsendt eller det ulovlege arbeidet ikkje er tilbakeført innan fastsatt frist.

Andre opplysningar

Kommunen kan utferdige førelegg etter plan- og bygningslova § 32-6 dersom eit eventuelt pålegg ikkje vert følgt. Et slikt førelegg vil kunne få same rettsverknad som ein rettskraftig dom og fullbyrdast etter reglane for dommar, jf. plan- og bygningslova § 32-7.

Rett til å gje uttale

Du har rett til å uttale deg før pålegg om retting og ilegging av tvangsmulkt eventuelt vert vedteke. Frist for dette vert sett til 3 veker frå brevet er komme fram, jf. forvaltningslova § 16. Eventuell uttale bes sendt skriftleg til Lindås kommune, Kvernhusmyrane 20, 5914 Isdalstø eller postmottak@lindas.kommune.no.

Gebyr

Det vert underretta om at det med heimel i plan- og bygningslova § 33-1 vert berekna gebyr for bruk tid ved oppfølging av ulovlegheter. Gebyr vert rekna ut i frå Lokal forskrift om gebyr for teknisk forvaltingsteneste. Det vert sendt ut krav om gebyr i samsvar med gjeldande forskrift når saka er ferdig.

Ved all vidare kontakt i denne saka, ver venleg og referer til saknummer: 15/1323.

Med helsing

Tor Hegle
Avdelingsleiar byggesak

Margit Rimeslåtten
saksbehandlar

Dette dokumentet er elektronisk godkjent og har difor ingen signatur.